

bšumaihun d hiia rbia laupa uruaha d hiia ušabiq haTaiia nihiulia lhaza
nišimta dilia . ulab

. u`l`m

. u`l`m hurintia

. u`l zauai

. u`l ahai

. u`l ahai hurinia

. u`l

šitlai

. u`l abahatai

. unišmata d abahan urubanan udahan udahuatan d npaq mn pagraihun
uldqaimia bpagraihun šabiq haTaiia nihiulun sa . ia mana niha
ia mana sdira umsadra ia mana niha nitun minak adiauria alma Imuzania d taqil
`ubadia uagria sa

. bšumaihun d hiia rbia mraurab nhura šania abatar d `tingid rqiha uabatar d `tmisiat
arqa abatar d ata šamiš uabatar sira `tiglia abatar d atun šuba uhalin trisar
asgun lka gibluia lpagra d adam unišimta bgauh larmun aminTul d lpagra d adam
nišimta mn bit hiia rbia atat nišimta atat mn bit hiia rbia utlata `utria mina
atun mina atun tlata `utria d siTar mn pagra aqmu siTar aqmu mn pagra umaililh
bpagra ulaila mailila ulaila bpagra ubakia uala umitašida `lkun amarna
`utria ahai `nTurulia biuma šita hda šita hda biuma `nTurulia d iasiq qalai latar
nhur `marlun l`utria ahai mahu hTit binataikun mahu binaikun hTit d šabištun
uapiqtun mn binataikun šabištun mn daurai d šabiš apqun mn bit ab `marlh lmanda
d hiia d ligal Taba šadar `lai ligal šadar `lai Taba d niširian minh mn alma
nipish lbiniana upagra lmarh našlman nasqan latra d hiia kd hua širšai mn qdim `l
d lanaurunan bišia ulaniTaršunan haTia `l d lanaurunan bišia ulaniTaršunan haTia
`l d lanaurunan bišia ulanidun d mna huit d laniTaršunan b`kuraihun ulašamana `lai
mahu d amria hašta kabria `lai amamia utaumia ulišania ušadilia biama d mirta
hašta kabria `lai patikruta mašlamana napšia bmdin mdin hašta gaTria bišia
biluria uambubia liTia mamlilia bpum malpilia bqala d siTia umanšina lmarai
mn `uSrai šadilia bbira d `umqia d naplia bišia ulasalqia balilia taninia ušabilia
bdaria d rabut zmar hda hda amarlh zakaita d hiia nišimta hda hda amarla šganda
d kulhun pasimkia hda hda amarla lzakaita d hiia nišimta ia nišimta qum
asgai `iul lgu pagra u`star bgauh d hikla nistarbik aria aria mrida marda
nistarbik tanina unigTil bišia batrh nitirgilbik mlik hšuka d `niš bhailh lamSia
hda hda amarla zakaita d hiia nišimta hda hda amarla lšganda d kulhun pasimkia
`u Taba baiit d `iasgia `iul lgu pagra u`star bgauh d hikla atualia zaina rama
d `iaqria banpai mn radpai hda hda amarla šganda d kulhun pasimkia hda hda
amarla lzakaita d hiia nišimta mahu zaina rama baiit nišimta mn ginzaihun d hiia
zaina nitilik zainik naSiruta malalia kšiTia d aitulik mn atar nhur uamarla
aminTulatik nišimta haizin rqiha `tingid haizin `tingid rqiha u`STarar bgauh
kukbia aminTulatik nišimta haza miabašta huat haza huat miabašta u`tmisiat
msuta uniplat bmai aminTulatik nišimta ata šamiš aminTulatik nišimta sira
`tiglia aminTulatik nišimta atun šuba uhalin trisar asgun lka `tibrun arba ziqia
uaiar mnašim `lik `špaklik hukumta blibak utidakria lmarai utišabh hašta maTia
zban maTia `dana bzibna šania haSbia kd Tulalia uiahria kd nagia pahria ušnia
uiumia uiahria u`dana ušaiia ušušia šaplia unapqia kd d lahun mitiqria gupnia
hadua uazil zmarun baTil auid dahba umibia kspa lamitaška haria umaruata
btinihta d libaihun napqia minh mn alma qanin ušabqan lbnaihun uazlin bnura
bašlia bnaiun d ania umradpia bkariuta napqia minh mn alma auda usaipa btibil
b`umqia sruta hšuka l`šumia d marai manda d hiia ulhailh asgit lgu pagra alit

asgit alit lgu pagra u`strit bgauh d hikla mn alit lgu pagra zaua bgu daria huit
zaua huit bgu daria bišia mn `umqia rgaz `lai bišia rgaz `lai mn `umqia
lnišimta d hiia baiia lasguiia binataihun ana kd hzaitinun lgaTtinun bsiTar alma
manda d hiia mihizia d hizian paqid uhaila traSlia paqid albšan ziua ukasian nhura
iaqra traSlia klil klil zakuata d aluath nahria uamar ia nišimta `zdahar bmamlalik
d lanibTunik bit maksia mištaiin hiia zakin uzakia gabra d asgia lka
sa `uSrai rhim hiia uaudat nišmat latar nhur
sa

. zidana umzaudna `utria d nhura zaudun zidana d zaudun hiia umzaudana d `utria
d nhura zaudun zaudun bzuadia kušTa uzarzun bkula hukumta lmahu hua ptahil `l
mahu qiriih lalma lmahu huat hašabta uldilia mn atrai ation ušihlun lalma
d tiqlata d kulh giTria hatmia mlia kulh mlia nura uzria bkuba uaTaTa kulh mlia
bihrara kulh zipa ukadba mlia šibiahia d dairiba kul ium `lai lbiš mithašbia
mithašbia bbišuta uamria d nipilgh l`uSrh libai d mlia kušTa amria d mn dilan
nakšlh ainai d sakia Inhura amria d rimza nirimzan pumai d barik lhiia amria
d kadba nimar `dai d iahba zidqa upašTa kušTa amria d gaTla nigiTla burkai
d sagda lhiia amria lšuba nisigda ligrai d madrika dirkia d kušTa uhaimanuta
amria bhipia nasgia ainai lmrurn šiqlit unišmat lbit hiia skit hiia d šimuia
lqalai ušadar alanpai paruanqa paruanqa d atia alanpai aizalia d iaiia `uSTula
pta uhauian ziuu ušlath lpagra zapra ligTan bapras iaminh uhapiqia mia abran
abran hapiqia mia udbar badmu hiia smaku hiia smak lhiia uhiia dilun aška hiia
aška dilun uaškat nišmat d plan d haza masiqta
d msakia uhiia zakin uzakia gabra d asgia lka sa amralun nišimta
l`utria ahai `utria d hatam iatbia bhaiaikun `utria ahai amarulia hibil ziua
diaudia mna šabiš ailan lgu pagra ušamar ušibqan ulatrh sliq
sa

. Tubak Tubak nišma d npaqt minh umn alma npaqt lqiluma ulpagra saria d huitbh
ldaura d dur bišia latra d kulh haTia lalma d hšuka d sina qina uplugia ldaura
d dairibh šibiahia d kibia umuria masbia kibia masbia umumia kul ium rmilun
marula qumlak qumlak nišma larqak qadmaita saq larqak qadmaita ldaurak Taba
d `utria paS lbuš `uSTlak d ziua uahid klilak rauza tib lkursiak d ziua d hiia
tirSuia batar nhur darbin bškinata binia `utria ahak kd d malpit burkia lbit anašak
qadmaiia uluTh lhazin atra d bit munqak d šnia d huit bgauh šuba hambagak hun šuba
hun hambagak utrisar hulak ridpa mištaiin hiia zakin uzakia gabra d asgia lka
sa habšaba ukušTa uzidqa lnišma hulh sahda anatun
bsahdia hulh uahlipuia mn bit maksia sa

. `zil bšlam bhira dakia zakaia d muma litbh anat napšak bhart mn tibil uhilqak
mn daria šuar hilqak šuar mn daria `lauh d kulh alma anat amart bhira dakia
d hazaia uparuša ana hazaia ana paruša ualmia ldina kanpia almia kanpia ldina
udina minaihun mitmar dina mitmar minaihun d labad `ubadia d gbar kšiT anat
balhudak bhira dakia mana sqila d sqil d lazlit lbit dina udina minak lamitmar
lamitmar dina minak d abadt `ubadia d gbar kšiT haza d sablia udaria anat bhira
qamak lataška puq mn atutia `daihun d šibiahia ugabaria d hazin alma sab
lbuš `uSTlak d ziua utruS klilak rauza kbuš qumtak usgud umta ušaba lhiia rbia
ušaba latra d hiia d abahatak lgauh azlia anat bhira d lahuit mn haka ulau mn
haka nSiba niSubtak atrak atra d hiia udaurak daura taqna traSlak kursia
d niaha d hauma urugza litbh mnaTarlak himiana d asga umuma litbh Taba saq lbit hiia
uasgia ldaura taqna binia šragia d nhura nidulun šragak uninihrun bzibnak u`danak
saq huzih latar nhur mištaiin hiia zakin uzakia gabra d asgia lka sa
`rutai utušbihtai mabraiai mabar hilpa abarlia anana d nhura utisaq bzaku
latar nhur sa

. niaha ušalma nihuia b`uhra d adam kišra niaha ušalma nihuia b`uhra d nišimta
azla `zil nišma bzakuta latda d mina `tinSib latra d haduta d anpia bgauh rauzia

šrath nišimta lšušilta utabirtinun lSSTmia šlath lkitun pagria u`hidrat hzath
u`standirat laTth luTta bišta lgabra d pagria albša qala d nišimta d hiia d mn
pagria d lupata bakia šadruia d širih lnišma d hinun šaria ulašabqia paria
uazil nišma baba d bit hiia mTa maTuiih baba d bit hiia `utria napqia alanpia
mbarkilh uazlia atai bšlam pt haria bdur bišia amta huit atai bšlam
mbasmanita d basimth lpagra zapra atai bšlam marganita dakita d mn ginzaihun
d hiia `tniSbat atai bšlam bhira dakia d anharth lbaita haška paria uazil nišma
baba d bit hiia mTa maTuiih baba d bit hiia atia alanph paruanqa kd klila riuza
b`dia `l trin draia `uSTla nišma paS `uSTlak lbuš uahid klilak rauza saq `zil
lškinta dukta d `utria iatbia dukta d iatbia `utria uahik kinia bškinatun pšaT
hiia blaupa laupuia d laipia bhiria batar nhur mištaiin hiia zakin uzakia gabra
d asgia lka sa

. niaha ušalma nihuia b`uhra d adam kišra niaha ušalma nihuia b`uhra d nišimta
azla nišma `zil bzakuta ldaura d minh `tinSib latra d haduta d anpia bgauh
rauzia anpia rauzia bgauh uminihra dmuth ulahaška šrath nišimta lšušilta
utabirtinun lSuSTmia šlath lkitun pagria `hidrat hzath u`standrat m qarila
zuadia gubria d mzaudia nišimta m qarilh zuadia mzaudilh uazlin atai bšlam
manharanita d anharth lbaita napla atai bšlam mbasmanita d basimth lpagra
zapra atai bšlam marganita dakita d mn ginzaihun d hiia `tniSbat atai bšlam paS
`uSTlak lbuš utruS klilak rauza `usrh lhimianak d nTiTia umumia litbh atai dar
bškintai binia `utria ahik kd iatbia mištaiin hiia zakin uzakia gabra d asgia lka
sa druš drašia uašmuia lhaza nišimta d kilia šlim ulatra
d hiia mizlh sa

. iuma d napiq nišma iuma d saliq tušlima iuma d napiq nišma mn atutia garglia
d muta d kašgiš tigra rmibh bgauh d tibil abdia ruha iatba bmalia ušuba btihma
iatbia kitun kukbia sdiqia uaqapra briš ruha rmin bakin zangaiia umaTaraiia
mištarhizia gabra d atian lhaka aithl `uSTla albšan `uSTla d ziua uTarTabuna
d nhura kasian traSlh mn klil aiar umn d rbia `hab l`utria asqan lbit hiia ldaura
d saka litlh tirSan binia `utria uqaiman binia tušlimia mištaiin hiia zakin
uzakia gabra d asgia lka sa bhir zidqa `tia minak biluatak lmuzania
d taqil `ubadia uagria sa

. iuma d napiq nišma iuma d saliq tušlima iuma d saliq nišma tibil rmibh tigra
rmabh ušigša rmibh maruala `tkaniš u`tgaTal ganzibrh d hazin alma uamria man apqa
lmarganita d anharth lbaita napla baita d nipqat minh `tla ašith unpal tla unpal
ašiaht usipia baba d arqa mTun u`stakarlh kauh u`dahak šragh ulanahria ainh
hzita lahazia bdaria mahu d abdia `udnh šmita lašama bdaria mahu d amria ligrh
sgita lapahsa bdaria ulatania uamar uazil nišma d ših minh ap ldaura taqna arTil
lalma atalh uriqin minh apqun riqin apqun minh kd Sipra d mindam minh lalun agrai
azil aqamai uzidqai atia mn abatrai gilia mia b`dai lgiTna uzaqipna ldaura
taqna šuba d hiziua lnišma ahdar aqmuia batra gzira bit maksia kadšilh ulahalin
udahin ušadilh ulanapil `uSTlh bSaurh Sarin hu ziua d hiia lbiš šaiulia mšaiililh
mitia d hiia la`hzun bhailh d manu npaqt ušuma d manu madkar `lak ana bhalaihun
d hiia nipqit ušumh d rab ziua madkar `lai gilia mia b`dai lagiTna uzaqipna
ldaura taqna mištaiin hiia zakin uzakia gabra d asgia lka sa `l
šbila qaima nišimta ul`utria aha amra laiadilun `utria ahai d ana binataikun
darit sa

. binia kisia lziua ubinia galalta latar ksia qaimia sbiria ab rurbia sbiria
hukumta qaimia umšailia lnišma d npaq minh umn alma amrilh mizal azlia Tabia
uSauta d Tabia man nasibla man nasibla lSauta d Tabia uman d nihimSa ldmutun malil
nišma d nimarlun lrurbia d sbiria hukumta rurbia ubhiria zidqa lamitkatribh
bziph d hazin alma aniaa utarmidia lamitkatribh bziph d hazin alma bnaiun
d aniaa utarmidia lamitkatribh bziph d hazin alma gziria ugzirTibaiia mitkatribh
bziph d hazin alma haria umarauata btinihta d libaihun napqia minh umn alma

qanin ušabqin lbnaiun uazlin bnura bašlia nišma zariz napšak bagrak u‘ubadak
 uzidqak `uhra d azlinabia napša usaka litlh lakilba parsia ulamandaz bgauh
 kudkia šbiqibh maTaraiia ugziraiia umaksia qaimia ‘la ‘tmal damit nišma iumai
 lmahu damit `tmal damit lbuna rama d ardikla qaiim `lh `tmal damit iumai `tla
 unpal ‘tmal lmahu damit nišma iumai lmahu damit ‘tmal ‘klit ušitiit iumai
 ruianai mlia ‘tmal knišlia uzlihlia iumai silqit lbit riš sruqtai ‘tmal hiplia
 usriqlia iumai nbiza pruštai ‘tmal damit luarda bkanh `baš iumai ldukt
 ‘baš ‘u aiqalak nišma ‘tkamar b‘uSTunak `ul ‘tkamar `ul b‘uSTunak b‘uSTun
 pagria d huitbh ahai latimarulh d `tkamar b‘uSTunak `ul `tkamar `ul b‘uSTunak
 `uSTun pagria d huitbh pagrai iama hu haTipa d bhaTip uakil `mbria tanina hu br
 anaša biša d šuba rišauata d `tlh šuba `tlh rišauata d Taiis ubala litlh `u aiqalak
 `lh nišma ‘tkamar b‘uSTunak `ul ‘tkamar `ul b‘uSTunak ‘uSTun pagria d huitbh
 aminTul d hiia `dakruk lTab hiia lTabu `dikruk u`utria d nhura šaiil ‘lak apqun
 uahidulia baba usakrunun lmsašbia sakrulh tartin kauia d šuta d hiia sabria
 dahikulia trin šragia d minihria `umama ulilia `stakar baba rba d kul ium lhiia
 mšabalun `tbar trin muzaniia d agra uzidqa iahbia iahbia agra uzidqa upašTia kušTa
 mn riš briš štra unšl trin ‘uSTunia d šrara d kulh hikla pagra nikla lmarh ubaita
 kulh habara mlia paria uazil nišma baiar balhudia uladahil bišia mišma d šmu
 ahdar aqmuia batra gzira bit maksia amrilh bhailh d manu npaqt nišma ušuma
 d manu madkar `lak amarnalun ana bhailaihun d hiia nipqit ušuma d manda d hiia
 madkar `lai amrilh ia nišma misaq salqit lbit hiia midan dainit uzakit kd azlit
 lbit hiia qudam hiia adkar `lan amarlun kd `saq lbit hiia u`iasgia ldaura
 taqna kd nišailunan rbia kd nišailunan rurbia kd nišailunan rbia nitun sahdia
 unisihdun sahdia hinun d kušTa šrara kul d amria `bidlakun šibiahia d ainaikun nhura
 lahazia ainaikun lahazia nhura uligraikun šrara lamaška ana u`utria ahai nisaq
 nihizia latar nhur latra d larba šamšia ušragia d nhura lahaškia lh lhanath
 atra qr`ia umzamna nišmatkun mištaiin hiia zakin uzakia gabra d asgia lka
 sa ia mana niha ia mana sdira umsadra ia mana niha nitun minak
 adiauria alma lmuzania d taqil `ubadia uagria sa

. riš sabria ana d bhiria rišaihun ana d mhaimnia mn riš brušuma ršimna uasgit
 lkiph d iardna mn riš brušuma ršimna usahria bšuqia qaimia lriša hiziun šuba
 qaimia šuba umizdainia uamria napqit gabra ahbalan rišak haizak puq gabra
 ahbalan rišak u`Tak titib utitia `lan rišai la`tilkun lrišai traSlia rušuma
 mipaq napqit gabra ahbalan ainak uhaizak puq gabra ahbalan ainak u`Tak titib
 utitia `lan ainai la`tilkun ainai banhura `timlia ainai `timlia banhura mn riš
 brušuma ršimna uasgit lkiph d iardna šuba d hiziun zdaian ukulhun sanai šuqia
 lagTia mipaq nipqit gabra ahbalan `udnak uhaizak puq gabda ahbalan `udnak u`Tak
 titib utitia `lan `udnai la`tilkun `udnai drašia šama mipaq nipqit gabra
 ahbalan pumak u`Tak titib utitia `lan pumai la`tilkun pumai bkušTa `timlia
 mipaq napqit gabra ahbalan `dak haizak puq gabra ahbalan `dak u`Tak titib utitia
 `lan `dai la`tilkun `dai zidqa iahba `dai iahba zidqa hinun kušTa pašTia mipaq
 napqit gabra ahbalan libak haizak puq gabra ahbalan libak u`Tak titib utitia `lan
 libai la`tilkun bilbab šrabh manda mipaq napqit gabra ahbalan burkak haizak
 puq gabra ahbalan burkak u`Tak titib utitia `lan burkai la`tilkun burkai lhiia
 sagda mipaq napqit gabra ahbalan ligrak uhaizak puq gabra ahbalan ligrak u`Tak
 titib utitia `lan ligrai la`tilkun ligrai bdirkia d kušTa madrika ligrai madrika
 dirkia d kušTa uhaimanuta mn atra d hšuk latar nhur bdirkia d kušTa uhaimanuta
 tisqun tihziunh latar nhur zkit manda d hiia uzkit kulhun rahmak uhiia zakin
 sa mana bginzih hadia ub`ruta d hiia d šaria `lh
 audibak bhir zidqa d pariqt lnišmat mn haTia sa
 . dkiria bTibu rbia dkiria bTabu rurbia dkiria bTabu rbia d parqun uapqun mn
 alma mn alma d husrana umn `ubadia baTlia aqrun ualbušun ziua akuat gubria bhiria

labšia gubria bhiria kšiTia umhaimnia rišai aiilbh̄ huit mlaiia d̄ alma ainai
d̄ ptahibh̄ ainai banhura `timlia ganpai npaSibh̄ ganpia d̄ ziua Sarlia ganpia
Sarlia d̄ ziua umšauia d̄ Tabia uminihra darišna umasgina lnišmata kulhin
mihizia d̄ hiziun knap alanpai napqia alanpai ukulhin šlama šalmun uamria br
Tabia labuk amarlia l'mat `siria mištrin l'mat mištrin `siria urahualun laiqla
d̄ aiqilun mn qudam d̄ lab `marlh̄ `tia d̄ `marlkun ana kul d̄ abad `ubadia sainia haka
bsadaria iatib alma d̄ praš iabuš mn pumh̄ udiglat šahlh̄ mnšahlh̄ alma d̄ iabšia kulhun
iamamia ukulhun zabia nahlia uainaniata mištapiu uhaizak d̄ rmia bbiria
saliq ud'sir b'sura mištria rahualun lnišmata d̄ haka दौरा bit qirsa rahualun lbnia
haria d̄ mn qdim hualun hašta litlun rahualun larmalia d̄ `ulSana btibil sabla
sabla `ulSana btibil umn iad šuba rahualun mitparqa mn iad šuba urahualun laiqa
d̄ aiqilun mištaiin hiia zakin uzakia gabra d̄ asgia lka sa baiina
mizal mn trin `utria d̄ `lai `tun dahilna mizal mn maTaraiia d̄ b'uhra šrin anat
alma dahlit nišimta kd̄ `utria minak luin sa
. mihdia kma hadina mihdia kma hadia lbab mihdia kma hadina iuma d̄ tigar mištria
iuma d̄ mištria tigma ulatra d̄ hiia mizlai parana uazilna alma lmaTra d̄ šamiš mTit
qaruia mgarina maTra d̄ šamiš man nadian agrak u`ubadak uzidqak uTabutak maTra
d̄ šamiš `iadiak mihdia kma hadia lbab mihdia kma hadina iuma d̄ tigar mištria
iuma d̄ mištria tigma ulatra d̄ hiia mizlai parana uazilna alma lmaTra d̄ sira mTit
qaruia mgarina maTra d̄ sira man nadian agrak u`ubadak uzidqak uTabutak maTra
d̄ sira nidiak mihdia kma hadina mihdia kma hadia lbab mihdia kma hadina iuma
d̄ tigar mištria iuma d̄ mištria tigma ulatra d̄ hiia mizlai parana uazilna alma
lmaTra d̄ nura mTit qaruia mgarina maTra d̄ nura man nadian agrak u`ubadak
uzidqak uTabutak maTra d̄ nura nadiak mihdia kma hadina mihdia kma hadia lbab
mihdia kma hadina iuma d̄ tigar mištria iuma d̄ mištria tigma ulatra d̄ hiia
mizlai parana uazilna alma lmaTra d̄ šuba mTit qaruia mgarina maTra d̄ šuba man
nadian agrak u`ubadak uzidqak uTabutak maTra d̄ šuba nadiak mihdia kma hadina
umihdia kma hadia lbab mihdia kma hadina iuma d̄ tigar mištria iuma d̄ mištria
tigma ulatra d̄ hiia mizlai parana uazilna alma lmaTra d̄ ruha mTit qaruia mgarina
maTra d̄ ruha man nadian agrak u`ubadak uzidqak uTabutak maTra d̄ ruha nadiak mihdia
kma hadina mihdia kma hadia lbab mihdia kma hadina iuma d̄ tigar mištria iuma
d̄ mištria tigma ulatra d̄ hiia mizlai parana uazilna alma lhapiqla mia mTit
maTuiat hapiqla mia hu Surik ziua alanpai npaq ligTan bapras iaminh̄ hapiqla
mia abran abran hapiqla mia aitun albšun ziua uaitun nhura kasiun hiia smak
lhiia uhiia aška dilun hiia dilun aška uaškat nišmat d̄ plan

d̄ haza

masiqta d̄ msakia mištaiin hiia zakin uzakia gabra d̄ asgia lka sa br Tabia
hauian `uhra d̄ `tba umasiqta d̄ abuk sliqba latar nhur sa
. sibra lTab atalia d̄ amria mipaq napqit tum atna atalh̄ sibra d̄ amria mizal
azlit šadar lahai `mar d̄ nitun buta nibdun `lai ahai kma Tabia d̄ hinun mn
napšaihun atun ahai bhaiakun Tabia d̄ nišmat kulaikun hin mindam d̄ snia hazitun
latibiSrun umn Tunaikun hin tum d̄ snia hazitun latibiSrun umiTpā Tpinun mn d̄ qbal
d̄ Tin saliq d̄ riqan haka mitagzar Tina usaliqna ana u`ubadai uagrai azlia
aqamai umistamikna lTabutai nišmat alma la`hruplik `l d̄ šabqit baita lmirpas
qaiim utigar `siria mištrin baita d̄ šibiahia `ubadia `daihun baTlia parana
uazilna alma lšibiahia mTit lbaba d̄ šibiahia qaimia umdandmia alma d̄ tidandmun šuba
ana lahuit mn dilkun parana uazilna alma lbit hiia mTit maTiai bit hiia hiia
alanpai napqia anpaq albšun ziua uatun nhura kasiun hišbun bhušbanun uaqmun Tabia
binatun nhura pta pihta u`uSar qaiim lhiia mšabilun aškit Taba qrub luath̄ umaškit
biša minh̄ rhuq binia šragia d̄ nhura nidalun šragak uninihrun `triStun
u`tqaiamtun bminilat šrara d̄ atalkun minilat šrara ata lTabia minilta
kšiTa lmhaimnia latra d̄ kulh̄ hiia rr'ia umzamna nišmatkun uhiia zakin
sa mizal azlia Tabia utigar bhiria mištria mizal azlia

Tabia Sauta d Tabia man nasiblh sa .. napaqa d tarmida atnu
 bqabra haizak qrun hazin `niana d adam mn pagra anpaq alma l`niana lbaba d bit
 `bdunia .. sa . kd `thašab hšuka adam mn pagrh anpaq adam
 anpaq mn pagrh nišimta bziua unhura kisiat nišimta kisiat bziua unhura uliba
d ruha haškat mimra amra ruha d nišma lbit hiia sliq `l d šma balma biša kulh
 hšuka mdalil `tib kulh hšuka `tib bdalil ruha riša sitrat uamra uai `lai
d la`dit lginzaihun d ana bit `bidlh u`iasqia ltasniqa d arqa `iasqia u`katria `l
 tiria hšuk btiria d hšuk `katria ubmaTarta `iabTia kul šurubh minan dilan
 `iaslia lhšuka haiaba qala lbit hiia rbia azal kd haza šuma rbia paruanqa
d nhura šadrin rbia amrilh lhibil ziua `utra Taba ubasima šuma anat parqh ladam mn
 hšuka uasqh lka ziua aitit mn atrai umn duktai `tit mn alma d bišia apiqh ladam
 umn kul dmu saina adita nhura d bišia haškit utabirtinun lmaTaratun kulhin
 atia ruha d quša umaškalh lpagra d adam kd nišimta bgauh litbh malia uhabTa ruha
 lstirata d mina qaria uamralin `l liliata u`stirata ataian ninanbuiia unibkia
 u`stirata niqra d haza abad gabra nukraia d `l ginzaihun la`dit adith ladam u`l
 kul mindam d snia qudam škinta d ptahil mTit mTit škinta d ptahil ptahil mn kursih
 qam ptahil qam mn kursih usigudta mn hiia baiia sigudta baiia mn hiia ukušTa mn
 nišma pšaT kušTa pšaT mn nišma uamarlh šlamlak kilak nišma mn alma d bišia
 npaqt uamarlh tib tib `utra tmima mindam btibil la`da ptahil lkursih `tib qudam
 škinth d abatur mTit abatur qam mn kursih usigudta mn hiia baiia sigudta baiia
 mn hiia ukušTa mn nišma pšaT kušTa pšaT mn nišma uliušamin adith iušamin d hizih
 lnišma iušamin mn kursih qam iušamin qam mn kursih usigudta mn hiia baiia
 sigudta baiia mn hiia ukušTa mn nišma pšaT kušTa pšaT mn nišma anuš `utra d hizih
 lnišma sigudta mn hiia baiia sigudta baiia mn hiia ukušTa mn nišma pšaT kušTa
 pšaT mn nišma aditia lbnia šlama bnia šlama d hiziua lnišma sigudta mn hiia
 baiia sigudta baiia mn hiia ukušTa mn nišma pšaT kušTa pšaT mn nišma hiia d hiziun
 rihmun u`utria d nhura `zdarambia hiia bbrikta birkun umanda d hiia Tabutai
 lgaT uamarlia brikat anat nišma ubrik gabra d pirqak uasqak uamarlh anat auilth
 lnišma uanat atith uanat huitlh naSba ziua bdukh triSlia `uSTla d napših albših
 albših `uSTla d napših ulkursia d traSlia `tib kd `tib lkursia d traSlia uhaizak
 bziua unhura shaq kd shaq bziua unhura uhaizak npaS mn kursih qam npaS qam mn
 kursih usigudta mn hiia baiia sigudta baiia mn hiia ulhiia rbia mšabilun mšabalh
 lmanda d hiia d parqia ulhaka asqh mšaba uamar nišma bhaza masiqta d ana sliqiba
 nisquba anašia naSuraiia kšiTia umhaimnia ušapiria u`nšia šalmaniata kd
 napqia mn pagraihun mištaiin hiia zakin uzakia gabra d asgia lka sa
 sa `uSTlai uklilai hzaith u`zdarzat nišmat latar nhur
 sa

. kilai šlim unapiqna timar ruha lnišimta `u napqit alma haisit `u haisit
 alma napqit `puq sahra qaimia u`tkamar minianai šlim ka hinun d hiia rihmit ka
 hinun d hiia rihmun ka hu bhir zidqa d lšumh zidqa iahbat ka hu manda d hiia d lšumh
 asgun liardna `lia azlit maria kušTa d sahra hdirilh lpagrai sahra lpagrai
 hdirilh qaimia šuba lbiš mithašbia mithašbia `lai šuba razia kabšia amria kd
 napqit mn binan niabTia bit maksia `u niqria man ninia uman nihuilh parqa man
 pirqa nihuilh kd mitiabaT bit maksia `l atar hua guha bgauh d hazin alma `lai
 štla `utra gabra d mitiatar balma `lai `štla `utra sagia gabra d hauia bahid `da
 bahid `da usimaka hauia lgubria mqaimia šurubta tibra lmaTaratun upraT
 barqun pruTta pruTta barqun praTbh ušuba dhun mn `uhra aitia albušun ziua urabut
 apqun mn alma šuba usahraiun uhumraiun hinun bmalia iatbia kulhun iatbia
 bmalia lgabra d mn tibil šuar lgabra d šuar mn tibil upraTba barun pruTta pruTta
 barqaihun praTba urabut apquia mn alma kd haizin hzun šuba napšaihun lgaT
 bhaiabia hdar l`uhraihun `tib bhiria u`utria btušbihtaihun sliq hiziua
 latar nhur mištaiin hiia zakin uzakia gabra d asgia lka sa
 nišimta hzat ziua qaima bkana urauza sa

. nišimta bpiria d hiia paria umitparia paria umitparia uqam 'utria ušailuia kd huat
bgu tibil bgauh d baita napla kd huit binia šuba bnh d daura baTla mahu abadlak
šuba kd binataihun huit amarlun abda qurun d lamara `tlh ukul ium ldina apqun
`lai aspia dina u`lai siptun praT abda qrun d lamara `tlh ulamarta d kul man
d nidirh mihih ukul man d aškh šargizih ukul man d miTiih ašiT^h nahra qrun d lamara
d mdalai `l pumh skir umdalai skir lpumh Sauin umaitin šitlh laSautun br šibia
qrun bmata d lahualh aba la aba hualh ulahualh munqa akSat ukbaralia bkma
d msakialh lnaSbai lnaSbai msakianalh gabra d qalh ašman d nitia unišimTan mn
bišia ulanišimTan mn haTia ulašimTan mn gziraiia d šbiqlan gušria d `l rugza
btibil mšalTia lašimTan mn maTaraiia ulašimTan mn daiania d dina d kadba dainia
amrit l`mat `puq minh hurba bSadia amria l`mat `puq minh u`hizia latar nhur `l
atar kd qaiimna hzaith ladiauria hzaith l`utra niha gabra d qala ašman Srak
ušuman bqalh uasmikh llibh lsamkia kd hzaith lab `utra gabra d hauilia bahid `da
kd hzaith lab `utra `tiabhat lalmia malil uamarlun lbnia d daura baTla abda ana
d had mara d laiit br haria d akuat ldilia damia `utra `tlia aba `utra `tlia
gabra munqa u`tlia aba daiana d dainlia dina mn ridpai `tlia maria šitlia
d mašqia mia lšitlh qaimia šibiahia dandumia mdandmia uamria bhailh d man
qaiim hazin smikh `uSrh man hu marh uman hu naSbh umahu daiana d daiinlh dina
mn radph malalit d `marlun lšuba d agzar lnapšaihun abda ana d nukraia gabra d hauia
bahid `da haulun lgubria d mqaimia šurubth mištaiin hiia zakin uzakia gabra
d asgia lka sa kd huit binataikun lansabtun ldilkun hašta
mizal baiina mahu dilia mn dilkun sa

. qal nišimta d hiia šamana mn pagra d lupata bakia uamar arTil lalma atalh uriqin
minh apqun uriqin apqun minh kd Sipra d minh lalua qala d nišimta šamana d mhaulila
ubakia mn dukta uamra mahu `bidlak pagrai bgauh d hazin alma `u lbuša d ziua unhura
huit pagrai lbaštak minai lbit hiia sliqt `u himiana d ziua unhura huit
d `sirit bhalSai minai lbit hiia sliqt `u ksua d ziua unhura huit minai lbit
hiia sliqt `u klila d ziua unhura huit triSit brišai minai lbit hiia sliqt `u
gauza d ziua unhura huit d lgiTnak b`dai minai lbit hiia sliqt `u sandlia d ziua
unhura huit d matnit bligrai minai lbit hiia sliqt amrat nišimta upagra mina
lalua qal šliha d hiia šamana d lnišimta d hiia mqarila atai atai manharanita
d anharth lbaita haška atai atai mbasmanita d basimth lpagra zapra atai atai pt
haria bdur bišia amta `qruk mihidra nišimta usakialh lpagra uhikla d minh
apqu amralh lpagra lahuit pagra d mn kita d Tina `tigbilt mn kita `tigbilt d Tina
ušuba d ridpun bhaiabia qam šuba d ridpuk qam bhaiabia bgauh d hazin alma mištaiin
hiia zakin uzakia gabra d asgia lka sa lšbila qaima nišimta
ualanpia d kšiTia napqia amralun `tun `kul u`štia Tabia uana `huia aluataikun
sa

. ianuq šilman kilai ianuq mapiqtai huat ianuq šilman kilai minh d hazin alma
`puq sahria qaimia u`tkamar minianai šlim kma saklia daria ukma tmimia almia
kma saklia daria `lai bmalia iatbia `lai iatbia bmalia u`lai gibia akliia `lai
akliia gibia u`lai šakbia lburia `lai lburia šakbia u`lai simtun sadqia `lai sadqia
simtun u`lai dimun ašdia `lai ašdia dimun `lai manzaiun šamTia kul man
d lbušia `lai niSria niuilh muma b`uSTlia kul d dima `lai nišud iamamia uzabia
qudamh kul d manzia `lia nišmuT nisrunh bTura haška ana šlim kilai umTa zibnai
ulatra d hiia mizlai mištaiin hiia zakin uzakia gabra d asgia lka
sa kd darit balbuš pagria minai la`tinsab hašta d apqun minh
ruhSana lhiia hua sa

. lramat qaiamna uainai ltibil sakia maskina hazina nišimta d bakia uala
umitašida bmanzia šuqia kanšia bmanzia kanšia šuqia ubTupra apra hapra bTupra
hapra apra ubrima kita taria brima taria kita ub`da kuptia taria taria kapta
b`da kapta kuptia uqaima ubuna bania banta usasqalta usilqit uiatbit lparqsa
šlath lkitun uardia umidamarbh bšupra amralh uailak špur šapir d aklalak rima

d šaiul uailak kitun uardia d msadqilak baiar Sipria iatba unaTra nišimta d `Tak
 luata atia `Tak atia luata uazlana minaihun biluath daliah uhazia nišimta
 luita d bišia atia azil hšuka mn quramaihun uatia habara mn abatraihun daiuia
 maluilun uliliata hauia paruanqun parsa upalgu d parsa atia qala d bkitun parsa
 upalgu d parsia atia riha d srutun maTun luat nišimta malalat d timarlun zakaita d hiia
 nišimta mahu `ubadaikun bišia d hazin zauadaikun amrilh rišan al barqa bgauh
d hazin alma uainan rmaz rimza bgauh d hazin alma `udnan lbabia Satat bgauh d hazin
 alma `dan gTal giTla bgauh d hazin alma liban qam bplugta bgauh d hazin alma pagran
 gar gaura bgauh d hazin alma burkan sgid lšuba bgauh d hazin alma ligran asgia
 bhipia bgauh d hazin alma malalat d timarlun zakaita d hiia nišimta `u hazin
 `ubadaikun bišia šapir damia zuadaikun `zil `zil bišia latiana minaikun
 biluataikun iatbia unaTra nišimta `Tak luaita atia `Tak atia `luita uazilna
 minaihun biluaitun daliah hazia nišimta luita d Tabia d atia azil ziuu mn
 qudamaihun uatia nhura mn abatraihun `utria d hiia malalun umlakia d ziuu
 paruanqun parsa upalgu d parsa atia riha d busmanun malalat d timarlun zakaita
d hiia nišimta `u hinialkun ahai Tabia dubrun minaikun biluataikun Sauta lTabia
 `huia `huia Sauta luita lmhaimnia amrila mahu `ubadak nišimta d nidibrik minan
 biluatan b`uhra amralun ab rma lahma u`m zidqa iahbat ahai draš drašia uahuatai
 kušTa pašTia amrila abuk rma lahma lnapših u`mak iahbat zidqa lnišimta ahik
d draš drašia bdirkia d kušTa nisqun ahuatik d kušTa pašTin manda d hiia nihiulun
 bahid `da anat mahu `ubadik d abadt lnapšik d nidibrik minan biluatan amralkun
 ana `marlkun ahai ana `marlkun ahai ana `marlkun kd d huit ahai bSubianun
 uahuatai bSubianh d napšaihun ahai bSubianun kalta d bišia šauuiun šauian kalta
d bišia d agra uzidqa laiahbia laiahbia agra uzidqa ubhšuka mitpakria ana d rihmit
 hiia umanda d hiia šralh l`uSrai mipaq šapta br maš um`ial habšaba lTab zidqa
 bkanpai nisbit b`dai nisbit Tulamata zidqa bkanpai nisbit uasgit lbaba d maškina
 zidqa rmit bzidqia uTulamta lsibla aškit iatima sabit ukanpa d rmalta mlit
 aškat^h laTalana samilh bSurh `uSTla aškit br šibia pariqt^h ulmata šadirth^h
 pariqt^h ušadirth^h lmata uzauidth^h zuadia b`hra aitun ziuu albšuia uaitun nhura
 kasiun asarl^h taga rba d ziuu utraSl^h klila rauza asarl^h himiana d kul^h ziuu mn riš
 briš biamamia rmul^h mabra ubzabia mSarul^h miSra ligTu bpras iamin^h uhapiqia mia
 abru hiia smak lhiia uhiia dilun aška uhiia aška dilun uaškit nišmat d plan

d haza masiqta d msakia mištaiin hiia zakin uzakia gabra
d asgia lka sa l`uhra qaima nišimta umsakialh lnaSba
 lak msakianalak ainai marh d kul^h Tabta sa
 . binia kasia lziua ubinia nhura l`utria binia kasia lziua d qaimia lnišma umšailia
 amrilh amar amar nišma d banak man bnak uman banak uman hua gabra naSbak
 had ban uhad banan uhad hua gabra niSbai had mn bnia šlama mnata bTabuta lgaT
 kanan bkanan ziuu unsib ladam ašlaman adam btmimuth^h bit d la`da ubit d lapraš
 adam btmimuth^h `nsib b`uSTun pagria rman nsib rman b`uSTun pagria d gidia umraria
 u`lqia iatib nišma unaTar b`uSTun pagria d pqadlia iatib unaTar^h alma d kil^h
 uminian^h šlim kd šlim kil^h uminian^h asgia šaruia `lh asgia `lh šaruia širia
 udibr^h man d asr^h širii^h lnišma azil aqamia ud`sr^h azil mn abatr^h rhiT nišma
d širia rhiT d `sr^h lmiTih^h nišma hu ušaruia latra d hiia mizl^h uhiia zakin
 sa limalia d atit udarib^h b`uSTuna nkila baTla limalia d atit udarib^h
d lasaliq minai latar nhur sa
 . mipaq napiq nišma d kil^h šlim uzibna mTa šlim kil^h umTa zibn^h uain^h bšaruia mla
 ain^h mla bšaruia ulib^h bkita `timlia libia `timlia bkita ušaruia d šuda
 lanasib šuda ulamhalip pagra bnišimta šaruia lnišma udibr^h qudam daiana aqmuia
 daiana mšaiilh lhaTaiih ulskilath^h umahu `ubadia d abad nišma balma d zipa
d `huitb^h sah dai anat daiania d `bidl^h bišuta lnapšai lagirlia gaura ubSubian^h
d bišia la`bidl^h lagaTilia giTla uzma d br adam lamzalalia rišai lal barqa u`dai

gnubta lagnab la'bidlia haršia ulamSirlia bpagra nišimta lamsarlia abda biad
mara ulamta biad marta uap bsahduta d zipa ukarba lamsahadlia la`piklia miSria
ulamšanailia kudkia ainai larmaz rimza upumai šiqra lanpaq lakimSan kaSumia
ukaldaia d zipa lakaldian la`kilia trin zidqia ulasgidlia lmarai trin ziqa laniia
iahbit ulašiq huihil paruanqa aškit kapna sabit ukapna d armalta mlit aškaith
larTilana samilh bSaurh 'uSTula aškaith lbar šibia upariqth Imata šadirth
pariqth ušadirth Imata uzauidth zuadia d `uhra mn lkSira larsa silqit mn kalaia
lbit qubria azlit 'u halin 'ubadak nišma nitun sahdak unisihdun lnišma qudam
daiana pra sahdh uauruia iardna utrin kiph lnišma hulh sahda maSbuta d `STba
upihtha ukušTa umambuga lnišma hulh sahda agrh uzidqh umaSbuth lnišma hulh
bsahdia ligTuia bpras iaminh lnišma uasiq tirSuia bit tušlima dukta d larba
šamših ušragia d nhura lahaškia mištaiin hiia zakin uzakia gabra d asgia lka
sa uqaš uSarlia ganpia ušuar banana d ziua `tib
sa

. 'tparaq šlim kilai 'tparaq minianai šlim 'tparaq šlim kilai kd šahlalh lpagra
nišimta 'uSTuna lgaT puma 'ndruna šmima lgaT šuba hinun šibiahia hdirlh
lpagrai iatbia uamrilh puq napqit nišma nailunak qudam maksia puq sahria
qaimia 'tkamar minianai šlim lia hu rihTa d rihTit lia hu šlama d abad `dai lia
hu hinun sandlia ligrai d balitinun mn rahmai `lia azlit maria d kušTa d sahria
lpagrai hidruia sahria hidruia lpagrai umitgaunilia brišai ainai lmrurn
šiqalit unišmata lbit hiia skat ainai lmrurn šiqalit uhzaith lgabra naSbai naSban
naSban qaria unišman niSban minh latišibqan niSban mn abinia šuba udalian
'lauia maksia uasiq tirSan bit tušlima mištaiin hiia zakin uzakia gabra d asgia lka
sa hadia mana hadia bhaduta d atia hibil ziua mn bit hiia `lh
sa

. qala qra mn mruma mn malkuta `laita qala qra mn mruma d amar 'siria ništrun
amar ništrun 'siria tarualun laiqia d aiqlun masgina uatina alma lbit
zainaihun mTit maTuiat lbit zainaihun rbaihun d `siria alanpai npaq malalit d `marlh
lrbaihun d `siria kulhun mahu hauia maklaihun d 'siria umahu hauia mišitaihun
d `siria maklaihun d 'siria gidia umraria u'lqia mišitaihun d `siria mia siauia
uzuhmita malalit d `marlh lrbaihun d `siria kulhun sab sikia uqlidia baba d bit
zaina pta baba pta bit zaina u'siria d 'siria šaria šaria 'suria d `siria
ularualun laiqia d aiqlun amarlia kma `iapiqlak mn alpa ukma `iapiqlak mn ruban
mipta ptalia baba dalia lgiTa rušuma gaiaria uganabia bahar umapiq lbaba d šiul
harašia uharašata bahar umapiq lbaba d šiul karaSia uramazia bahar umapiq lbaba
d šiul halin d apkia miSria halin d mšania kudkia bahar umapiq lbaba d šiul adita
lbit zaina gabra kšit laškit malalit d `marlh lrbaihun d 'siria kulhun mSar bišia
l'ubadaihun 'zdaharbun bnišmata alma d rbia bdina iatbia nitun bišia ništailun
daršia hadia 'siria d 'sura minaihun 'štria bakin ualin 'siria d `sura minaihun
'štbic uamria šmilan 'lak br Tabia d `l Tura gzira lamagzirit bnai Tura gzira
lika ulika d marh agzar `lh hinila anatun agzar 'lauaikun anašatkun d aitinun
bzipa d hazin alma d laqrulkun masqata udukrania ladkarunkun ulpatura d zidqa
umasiqta la`rmun uhiia zakin sa ia mana niha ia
mana sdira umsadra ia mana niha nitun minak adiauria
sa

. lbad `siria hilpit ziuai lbit zainaihun dna ziuai dna lbit zainaihun hinun
brihai basmia hinun basmia brihai u'šiu bziuai minihra 'tapraš nišmata bakia
alia umitašida lbad 'siria qarinalh baba lnišimta pta uamar kma 'iapiqlak
mn alpa ukma 'iakrilak mn ruban mipta ptalia baba dalia lgiTa rušuma mipta
ptalia baba d iahib agra lšušlatin lhama ramia laniia ušaruata d mpalgia
lmradpia lpaturaiun mna agra d šušlatin 'tapraš nišmata mn atra d hšuk latar
nhur uhiia zakin sa
. nišma d `tlia btibil mkalal ušakib balma mkalil balma ušakib 'utra l'sadh l`qum

`utra l`qum l`sadh umn šinth nirandidia uamarlh qumlak qumlak nišma qumlak
lbit hiia skia qumlak skia lbit hiia uazbar anpak latar nhur huzia lalma kulh
mindam lau mindam hu mindam hu d lau mindam uruhSana litbh huzih liama rba d lika
bgauh mabra huzih lhiTpun zaba d lamSir bgauh miSra huzih lmaTria d mardia d qaimia
`lh huzih liaqдания d nura d saliq `lukin maTia qr`ia huzih lmahunia taria d krat
ruha b`uhra huzih lTura rama d lamkakuba `uhra huzih lšura d šur parzla d kd
klila hdirlh lalma kd klila lalma hdirlh ulapriTbh prUTta `u `marlak nišma
tišiman hinila latišania mimrai `u hazin iama rba rmilak bgauh mabra hazin hiTpun
zaba mSurulak bgauh miSra `iadiak maTarta d mardia qaiimia `lh `iadiak
iaqдания d nura d saliq `lukin maTia qr`ia `iadiak mahunia tauria d krat ruha
b`uhra hazin Tura rama `muklak bgauh `uhra hazin šura d šur parzla `pr`Tlak bgauh
`iasbak bkulh hailai u`mihtak bkulh qumtai `iasbak bkulh hailai u`iasqak manai
latar nhur uhiia zakin sa mitiaiun d bhiria d mn arqa d tibil atin bgupnai
mitkarkia atia umitkarkia bgu gupnai usalqia hazilh latar nhur
sa

. hazin nišma d manu hazin bnina umbanana hazin mbanana ubnina hazin kšiTa
umhaimna hazin mhaimna ukšiTa hazin zriza umzarza lahaiqia ulazahua uhauqa
uziuihta litbh lamn maksia dahla ulamn `pikia mlakia klil aiar traSlh brišia unpaq
minh mn alma paria uazil nišma alma lbit maksia mTa rab maksia d hiziua
lnišma šaiulia mšaililh bhailh d manu npaqt nišma ušumh d manu madkar `lak
ana bhailaihun d hiia nipqit ušuma d manda d hiia madkar `lai `damiak nišma bmahu
`damiak bgieh d hazin alma `damiak bšamiš d `mama u`damiak bsira d lilia `damiak
baiar stania kd mitiaharbh balma `damiak bgilia mia kd aiar stana našim
`lauaihun nihrat nišimta mn šamiš d `umama utiqnat mn sira d lilia `tgamrat mn
aiar stana mitiaharbh balma bismat nišimta mn gilia mia kd stana našim `lauaihun
rab maksia kabšia lriših unišma `lauia sliq `zil nišma saq `zil pra umaTia
mištaiin hiia zakin uzakia gabra d asgia lka sa
mihdia kma hadina mahdia kma hadia lbab mihdia kma hadina iuma d tigar mištria
iuma d mištria tigra ulatra d hiia mizlai sa .. kd maTitun hazin
`niana atun lnapaqa d mandaia bqabra uqrun ldinba d uhtum lqabra bsikina d dula ..
sa

. `ngirta mhatamta d napqa minh mn alma `ngarta bkušTa kdiba uhtima b`sqat
rurbia kidbu šalmania uzarzu gubria mhaimnia tiliuia bSauar nišma ulbaba d hiia
šadru mna hzath daium lnišma d `ngirta dria mna hzath daium kd knipila šuba bna
uamra man kidba l`ngirta d anin braza la`danin `ngirta bkušTa kdiba uhtima b`sqat
rurbia kidbuia zadiqia šalmania uzarzuia gubria mhaimnia tiliuia bSauar nišma
ulbaba d hiia šadruia nišma bhakimuth pras ziua uniTrh uaTip banhurh ukalala šuba
kbaš rišaihun unišma `lauaihun sliq klil aiar traSlh briših uanpaq minh mn alma
paria uazil nišma alma lhapiqia mia mTa maTuia hapiqia mia hu Surik ziua rba
d hiia alanph npaq ligTh bpras iaminh uhapiqia mia abrh tirSuia bškinth dukta
d `utria iatbia hiia smak lhiia hiia aška dilun hiia dilun aška ubr hiia dilh
dbar uhiia zakin sa `rutai utušbihtai mabraiai mabar
hilpa abarlia anana d nhura tisaq bzaku latar nhur sa

. mn pagrai napiqna zibnai mTa ukilai šlim šlim kilai umTa zibnai umapiqta
d pagria qirbat mšamar unapiq hilpa u`uSTuna lgaT puma u`ndruna šmimia nsib
`uSTuna d pagria zha masTusia rakšia lbar mn bišia man amarlh zariz aqim mlakia
b`uhra `puq napqit nišma uqudam daiania nailunak `ubadak umabadak qamh
d daiana nailunak qum `zil minh mn alma mlik rbia d `lak ata `uhra d azilnaba
napša usaka litlh mambarta d abarnaba sukana bgauh larba larbaba šamšia ušragia
d nhura lahaškia gubria d `ka bgauh matnia klilia rauzia had ziua lbišia uhad
nhura mkasin pras lkulhun qumat hdadia qaimia umša hdadia nasbh kd mamlilia
Tabia had hauia mamlalun mištaiin hiia zakin uzakia gabra d asgia lka sa nišma
qum `zil minh mn mlik rbia d `lak ata sa

. 'tparqit šilmai kilai rbia šadar 'lai lšitlai amarnalun uasbirtinun lrurubia
lšitlai amarnalun upaqidtinun lrurbia šitlai minaikun napiqna anatun šitlai mahu
tibdun bTulalun d gupnai iatbit ziuai lgupnai dna ziuai dna lgupnai malil
gupnai mn duktaihun daršia uamria minan napqit gabra lan dilan mahu d mpaqdatlan
amarlan lšumak šuta haita d napša usaka litla amarlan lmalalia kasiia ulmana nSiba
kd napqit amarlan mahu paqdun rbak kd napqit minh mn alma amarilak lmalalia kasiia
ulmania nSiba kd napiq mn ka šuba hambaga hun alma lbit ptahil šuba lhambaguta
d mana qam kd npaq mn bit ptahil abatur qablh mn ziuia albšia umn nhurh d saka
litlh mn ziuh d npiš hauqa ltiniana miTih tiniana qam mn kursiia umšabalun
lhiia rurubia mšabitun anatun hiia ururbia d hazin adiaura šadartulh šitlai
kbaš rišaihun uhaulil lduktaihun bkun uamria minan napqit gabra lduktak
l'mat nihizia lduktak ksiia minh umn alma amarlun `u hua d šibqun rbia rbit
rabit luataikun balma hašta d 'biun rbia tušlimia kasiia auzipun 'lauaihun
'tauzipit lmania kasiia uziua d iaqid bgupnia amrilh umpaqdilh rbia d bTabut šadar
'la amarlh ia gabra šitlak lman šbaqtinun mn gabra d `ka d masbarlun amarlh hailak
mnaTarlun u`rutak hauialun bahid `da uhiia zak`in sa

. lbab `siria hilpit qala d br ginaiia šimit qala šimit d br ginaiia d bakia umabkia
'lania ginta lmahu bakit br ginaiia umabkit 'lania gintak mahu mhara šna
b`dak kd mia brahaTak 'stakariun ana lmhara šna b`dai ula mia brahaTai
'stakariun 'la 'tmal 'la paina arza mn gintai 'qar 'qir arza mn gintai uašha
d qpil mn bunka ana lSauth bakina ulšitlia d luath šbaq arza d `qir mn bintak gabra
d šitlh aqrh ašihia d qpil mn bunkh haka luataian triS šitlia Tabia d šbaqt
luatak nitgadlun unisqun lriš hiia zakin sa mana ana
d rba mana br rurubia mana ana rba bgu iama darit darit bgu iama alma d ganpia Sarlh
alma d Sarlh ganpia ualma d mapraiai huit alma d huit mapraiai uganpai šašqlit
latar nhur sa

. lbaba d bit zaina ziuia d habšaba hlip ziuia hlip d habšaba ulbab 'siria nhura
'timlia nišmata d hiziua lziuh unhurh d manda d hiia šaila hadua bšušlatan malil
d nimarlun rab `siria d dar binataihun mahu biuma iumai d šiltan hadua
bšušlatkun malil d nimarlh lrab `siria d dar binataihun iumai mn kulhun iumia
ziua d habšaba hlip hlip ziuia d habšaba u`l bab 'siria nhura 'timlia anin d hzainh
ziuh ulnhurh d manda d hiia šalnin hadua bšušlatiun malil d nimarlh lrab `siria
d dar binataihun ia rab 'siria kulhun ia rab 'siria akar nišmatak ahbalan akar
ahbalan nišmatak d šiha ušauia latar nhur kulman d ršim brušuma d hiia uSbiia
barba iardnia malil d nimarlh rab `siria d dar binataihun Taba napša hauia
nišmatak d saka uminiana litlun drušlin b`uSrak niha umalil bqalak šania
bqalak šania malil ubašqar nišmatak uadbar ubašqar uadbar nišmatak d šiha
ušauia latar nhur kulman d ršim brušuma d hiia uSbiia barba iardnia diršit
b`uSrai niha umalalit bqalai šanai bqalai šanai malalit ubašqirit nišmatai
udibrit ubašqirit nišmata d šiha ušauia latar nhur kulman d ršim brušuma d hiia
Sbiia barba iardnia malalit d nimarlh rab `siria d dar binataihun Taba anat bašqart
uadbart nišmatak man d iahab ruaha d šušlatin malalit d `marlh lrbaihun d `siria
kulhun alma d huba halin nišmata d hatam niaha abdia hatam abdia niaha ulhama
lania iahbia lpaturia ramin ruaha d šušlatin mištaiin hiia zakin uzakia gabra
d asgia lka sa alanpai dmut napiqna udmuta alanpai napqa
mithanana umitkarakbia akuat d mn šibia atit sa

. l'mat nišlum kilai l'mat tigar lmištria l'mat 'šihlia lilbuša d pagria
ulatra d hiia mizlai atra d bit Tabia ualma hazin d bit hatam hu `puq lbit ab `zal
lamitkarakbia lbit hatam akSat ukratalia d darit bgauh d hazin alma hiia anun mn
piria uziua anat mn mrahqia mn atra d napših urahiq hzaith ubašqirth lab
mištaiin hiia zakin uzakia gabra d asgia lka sa

. lmahu damin Tabia kd napqia mn pagriahun damia lgiria šmimia d šap napquia
lhazin alma damin bnia d bišia kd napqia mn pagriahun damin lzamburia kd napqia mn

qinaihun akil ušalmuia ldupšaihun uazal smak lTura d glala mištaiin hiia zakin
uzakia gabra d asgia lka sa `saq lrbia `mar d kul ium ukul
iuma qala uhaila šadarlia qala uhaila d mšadritulia maiarlia ulamitakšalna
sa

. hazin nišma d manu d hazin bnina umbanana hazin mbanana ubnina hazin zriza
umzarza hazin mzarza uzriza hazin kšiTa umhaimna iatib banan ziuu umasmiklh
mlakia `utria azlin aqamia kušTa makik `uhra ada nišma lbit zaina ušarhib šibqia
lbit qirsh masgia uazil nišma alma lbit maksia mTa maksia labdh qaria lgubria
d pahlia šiul sab kulh zaina upuq lpalga d `uhra hzu hazin nišma d manu d hazin
bnina umbanana hazin mbanana ubnina hazin zriza umzarza hazin mzarza uzriza hazin
kšiTa umhaimna iatib banana d ziuu masmiklh mlakia `utria azlin aqamh kušTa
makin `uhrh adith lbit zaina šarhiz šibqia lbit qirsa lau nisbuia lkulh zaina
unpaq lpalga d `uhra nišma sliq lbit hiia šuba `tkamar bhiti mištaiin hiia zakin
uzakia gabra d asgia lka sa

. malil bhia sidrun bsadrutun ridpun dkiria bTabu hiia dkiria bTabu rurbia
dkiria bTabu hiia d šiniuia llbušai mn almia kitun hšuka ašlun `uSTula d ziuu
albušun `uSTla d šanai usaka litlh qumat mtahiba `huit mlaiia d alma `brai
rmibh `zlit rqiha mTit ainai ptahibh ainai banhura `timlia masginabh balbuš
balbuša d hiia albšun masginabh balbuš hiia alma lbit šuba mTit maTuiia bit šuba
qaimia dandumia mdandmia mahu mdandimitun šuba d ana lahuit mn dilkun
masginabh balbuš alma lbit abatur mTit kušTa `lak bhir zidqa ukušTa `hablh mn
dilkun masginabh balbuš balbuša d hiia albšun masginabh balbuš alma d bnia šlama
mTit kušTa `lak bhir zidqa ukušTa `hablh mn dilkun masginabh balbuš balbuša
d hiia albšun masginabh balbuš alma lhapiqia mia mTit maTuiiai hapiqia mia hu Surik
ziuu alanph npaq ligTan bapras iaminia hapiqia mia abran kušTa `lak bhir zidqa
kušTa `hablia mn dilkun masginabh balbuš balbuša d hiia albšun masginabh
balbuš alma lbit hiia mTit maTuiiai bit hiia Tabia alanpai napqia anpaq albšun
ziuu uaitun nhura kasiun kušTa `lak bhir zidqa kušTa d `hablia mn dilkun Tabia
minun mn dilhun ubuta d rbia baiin `lauaihun mištaiin hiia zakin uzakia gabra
d asgia lka sa lrbia bismat mindam d amarilun šuma kul ium ukul iuma qala
uhaila šadarlia qala uhaila d mšadritulia maiarlia ulamitakšalna
sa

. šlim kilai unapiqna kd šahlalh lpagra nišimta `uSTuna lgaT puma u`ndruna šmimia
nsib šuba hidruia lpagra uiatbia puq napqiti nišma nailunak qudam maksia
`puq sahria qaimia `tkamar minianai šlim ka hinun d hiia rihmit ka hinun d hiia
rihmun ka hu bhir zidqa d lšumia zidqa iahbit ka hu manda d hiia d lšumh asgun
liardna ka hu iardna d mia hiia d minh zakuta nisbit minh nisbit zakuta
uqablit dakia rušuma ka hu rihTa d rihTit ka hu šlim d `dai abad ka hinun sinia
ligrai d balitinun mn rahmai `lia azlit maria kušTa d sahria hdirilh lpagrai sahria
lpagrai hdirilh mitgaunilh ainai brišai ainai lmrurn šiqlit hzaith lgabra d nišban
uamarlh puq napqiti nišma aminTulatak lhaka atit sbal sbal qaria nišma sbal
sbal minaihun ulatišibqan sbal mn abinia šuba udalian `lauia maksia dalian usaq
tirSan bit tušlima latra d kulh ziuu ldaura d kulh pasimkia lh lhanath atra
qr`ia umzamna nišmatkun mištaiin hiia zakin uzakia gabra d asgia lka sa
sliq uasqan minh ulašibqan bdaura baTla sa

. ianuq kilai šlim ianuq mapiqtai huat ianuq huat mapiqtai mn gauh d hazin alma
kma sakla daria kma tmimia almia kma saklia daria d `lai bmalia iatbia `lai
iatbia bmalia `lai šakbia lburia d nagdia malia maitia d iatbia lburia mitgaTlia
d akliia gibia lahazilh latar nhur hinala tinigdun malia hinila tišikbun lbudia
titiqrun ligil `ninkun `štaiia alanpaikun kd `iatilkun `uSTlia d ziuu d minak rba
iardna hin tinigdun malia hin tišikbun lburia titiqrun la`ninkun la`štaiuia
alanpaikun ana la`tilkun `uSTlia d ziuu ula`tilkun klila rauza iuma d mapiqta
tihuia iabaTtinkun bit maksia mištaiian hiia zakin uzakia gabra d asgia lka

sa

. qala qal qala d trin qalia šimit qala d trin qalia d iatbia hädadia ubakin qala qal ruha uqal nišimta d iatbia hädadia umitaprišia ruha lnišimta timarla ruha lnišimta bhaiik ahat dubrin minik kd azlit haizin `dibrik minai d ruha šaqarta anat ruha anat šaqarta d lahazit umištiqrit hazin d `dibrik minai ahai d gabra d muzania triS gabra d triS muzania taqil `ubadia uagria taqil umšauia ruha mn nišimta d taqil taqilh ušalim bhia asmkuia taqil ulašalim mn tam šrin tigrh midabrin minik alma d muzaniai triS niailun bmuzania ul`ailun `ubadia uagria hin tiqlun ušalmana alun ruha mn nišimta hin tiqlun uhusrana lagzunan mn abatrik kma Tabia ahat nišimta d `dbartinun mina kd azlat alma d muzania triS taqil `ubadia uagria tiqlun šalmania alun ruha mn nišimta kma hadia nišimta d alun mn nišimta hia smak lhia uhia aška dilun uhia zakin sa

. miTab kušTa lTabia umanda d hia lbnia šlama d qaimia bpagraihun umitaprišia bšuma d hia `mat tihšuk `mat tinga `mat l`šlim k`lh d alma ulapuq Taba mn biša unipuq halia mn gu marira ul`puq hia mn gu muta unisqun hia qudam abuhun uništailun mraria u`lqia d sibat nišimta balma hazin `lau hiškat `lau nihgat `l atrh šilmh kila lpagrai `lau ata kušTa lhaka lTabia umanda d hia aluat bnia šlama unpaq nhura mn gu hšuka unpaq Taba mn gu biša unpaq halia mn gu marira unpaq hia mn gu muta usliq hia mn qudam abuhun unišmat hia luat bnia šlama uništailun mriria u`lqia sibat nišimta balma hazin `triStun u`tqaiamtun batra d Tabia mitqaimia umšabin hia sa

. qal nišimta šamana mn giuta banana umn pagrai man apqan umn giutai man našlan akSat kbaralia bgauh d hazin alma alma d kulh lilia ukulh bhašabta mlia kulh mgaTar giTria ukulh mhatam hatmia giTria adinqia miniana uhatmia adinqia miniana uhatmia adinqia mikal gabra d hiziua lnapših shaq bpagria mišria mn kukbia bšumia uakil rbta biamamia d hizih lsin bšumia minh dua haka smak d hza baba rba d minh nsib almia hanath nišria giTrak hu gabra d nitbar hatmak baiitun uaškitun tum tibun utaškun uhia zakin sa

. mana d mn bit rbia mana d mn bit rurbia mana d mn bit rbia mn bit rbia man atian man atian mn bit rbia ubgu tibil man rman man rman bgu tibil b`uSTuna d `dia uligria litlh iatibna unaTrinalh lšpinza d apqadlia iatibna unaTrinalh alma d minianai šlim mišlim minianai hazin šaruia ata mitih d šaruia šran udibran latar nhur d širian azal laqamai ud`sran abatrai rhiT rihTit d širian uligTit ud`srun lamiTiun mištaiin hia zakin uzakia gabra d asgia lka sa

. nišma nišimta d hia amar btibil man sakakan mn iuma d niplit badam arba razia hzit asgit ldmu mia mia hia d hazin alma asgit ldmu šamiš nhura d hazin alma asgit ldmu sira minianh d hazin alma nišmat nišimta d hia amar btibil man rman man rman bgu tibil ubgu arqa ubgu šura man harzqan man rman bsada d hauia mlaiih d alma man rmabak šušlata d hauia mn riš briš man albšak kitun gaunia gaunia uznia znia `lau manda d hia asgia lmitia balma ha apqan mn arqa ušimTan mn gu zargTa apqan mn gu sada d hauia mlaiih d alma šqal minai šušilta d hauia mn riš briš ašlan kitun gaunia gaunia uznia znia d širian azal aqaman ud`sran abatrai rhiT rihTit d širian ligTit rihTit d `siran lamiTian hia anun mn piria uanan ziua mn mrahqia mn atra d `npiš urahiq hzaith ubašqarth lab uhia zakin sa

. mkalalna ušakibna b`uSTla d muma litbh b`uSTla d litbh muma ulaiit bgauh hasir ubSir hia `dun `lai adam d šakib `tar ligTan bpras iamin ula`hablia baiin biad nhura rman bhšuka hšuka banhura `timlia iuma d nhura saliq nitkamar hšuka ldukth qrub aluat anana d nhura ulatra d hia mizlai uhia zakin sa

. kilai šlim unapiqna timar ruha lnišimta alma napqit alma haisit haisit alma napqit `puq sahria qaimia `tkamar minianai šlim ka hinun hia d rihmit ka

hinun d hiia rihmun ka hu manda d hiia d lšumia asgit lirdna lšumh liardna asgit
uqabilnin dakia rušuma ka hu iardna d mia hiia d minh zakuta nsabnin ka hu bhir
zidqa d 'l šumh asgit liardna zidqa `habnin ka hu rihTa d rihTit ka hu šlama
d abad `dan ka hu sainia ligrai d balitinun mn rahmai `lia azlit maria kušTa d sahrja
hdirilh lpagrai manda d hiia `lai rahiqa u`lai qariba `huia `l atrh šitlia
kušTa manda d hiia iatir balmia kušTa amarlia haizin bqiluma `tit uhiia hinun
šihlun `u anat mn napšak `tit hiia hinun šihlun `lik dilik nišimta d hiia šihluk
minh mn alma d hšuka d sina qina uplugia mn alma d hšuka d `iasqak ldaura taqna
zkit manda d hiia uzakit kulhun rahmak sa

. ianuq šilman kilai ianuq mapiqta huat lman `qria man ninian uman nihiulia bahid
`da `qria lqala d hiia u`qria lpasimka rba d kulh nhur `qria lbhir bhaimanut `hab
zidqa d iahib bhaimanut hiia tirSuia mn riš briš mn hazin kušTa manda d hiia d šumh
lqalai ata ata bhir zidqa d bhaimanut iahib zidqa `hab zidqa d bhaimanut bliba
kšiTa umhaimna ata ata br hiia ana `huilak bahid `da `iadik lšibiahia gubria
d tibil naTria `iadiak liurba uruha mitiqrin rab maksia `iasqak `hauiak gupna
d qaiim lbariut almia bhira triS rahmia lbiriut almia qaiim lšalmania
mqarilun qaria qala d hiia anin hazinalh latar nhur mšabin hiia uhiia zakin
sa

. mana bdaria bakia ubasim šumh `l almia arqa bdimh naida ušumia bqalh
mistandra maria d arqa naiid uanidlh hliSa zargTa bakia lbuša d adam minh
d sindirka hua npaq pira u`mba u`lana razia šidqa naTria bhira lgiT kanša rasnia
Turia uSipria mana bdaria amar umišma lkulhun almia klila ana d bilura d brišaihun
d rbia mitriS man atian lhaka uazal biad ruha ušibiahia rman uhiia zakin
sa . mana bdaria amar klila d bilura ana klila ana d bilura qamar
zahba d minihra klila ana d bilura d briš rbia mitriS mana bdaria bakia ubasim šumh
lalmia šumia bqalh naida arqa bdima mistindra bakia lbuša d adam minh
d sindirka hua bakia mara d arqa uanidlh hliSa zargTa knišia knišia bhira
hasina bTuria Sipria mana bdaria amar klila d bilura ana klila ana d bilura d mn
bit hiia man atian bdur bišia man šdan šadilia bdur bišia ubdaura d dairia
haTia nisbuia bišia umšamšilia kul almia bhailh d ab mana b`ruta d mn bit hiia
atat lanisbun ruha ulašamšun kul almia umšabin hiia sa

. Taba ana br rbia d darit balbuš dimihta balbuš `šata `kilta d h` haška
ulanahra darit bit šuba šibiahia d kul ium zaina hašlia `lai darit balbuš
hšuka ušauia napšai kd dilhun akSat ukratalia balbuš baTla akSat ukratalia
balbuš lbuš ubšla šla lau ana br rbia man sakakan mn šuba d manharna `lauaihun
hinun haška ulanahria amria bnapšaihun d nagzar luatan nišibqia asgia `lai
nukraia ašlan mn binataihun ašlan mn `šata `kilta ualbšan lbuša d rurbia hu makla
`uhra mn ka ldaura taqna umšabin hiia sa . ziua ana rba
d lahuabia hasir ubSir kd darit balbuš pagria lagarit ulaginbit ulahuabia hasir
ubSir šlim huit ušuba la`bdit mn `ubadaihun hašta šilman kilai ukulhun
bmalia iatbia `tlabšat balbuš aba rama uhzaith lilbuša d rurbia tirSan
bmuzania ulahuabia hasir ubSir albšun mn lbuša d `šata haita d hauma urugza litbh
traSlh klil ziua uzakuta d luath nahra albšan mn lbuša d `šata haita usilqit
hzaith latar nhur uhiia zakin sa

. mn atar zadiq atalia gabra adiaura atalia uzriza lnišma ldukth qralh qala
d hiia unSablh adiauria adiauria d nSablh minh mn alma atar nhur Srak bqalh uašman
uairia lnišmat mn šinh airia lmaria razia ladam d bgu pagra zaria airan mn
šintai d hiia traSlia l`uSrai balinhun lšuba razia d minaihun balbuša andinun mn
dktaihun mn prun šbaq `lauaihun ubalinun lzangaiia lgubria d arqa naTria šra
šdinhun ulmaTaraiia upraTba baqrun pruTta pruTta baqrun praTba urma bgauh tigra
hin al binataihun ulaiadia lman mitkidšia ulahiziua laba ram ulahzinun
ladiaurh lahiziua lparuanqa niha d ašlan udibran mn binataihun ašlan mn

binataihun ašlan mn lbušaihun d gidia umraria u'iqia ašlan mn lbuš pagrai umn lbuša baTla albšan mn ziuḥ umn nhurḥ iaqra kasian asarlia himiana ubaira ldmuṭ mn šuba mihzia d hiziun šuba napšaihun bhaiabia lgaT bhailḥ d ab rama `dit lkulhun muzaniia triS hzaith lbit rba d ahai bgauḥ dairia ahai mihzia d hiziun albšiuṇ mn ziuaihun uhišbun bhušbanun unaTrun Tabia banatun uhiia zakin sa

. nišmat šiltan hiia utirat pralia manda nišmat šiltan hiia ulatra d hiia mizlai parana uazilna alma lrišaiia mTit abria d rišaiia alanpai napqia asgia nišbia gabra unišbia nitia nihiulan Sauta asgu nišbia gabra unišailḥ d mna ata habran mna mitiak lhaka `lia nu azlit mn tibil atina mn baita d bnu šibiahia bnišmat šilman hiia ulatra d hiia mizlai hadinu bit hiia halka lia nu azlit hin azlit binataihun `bad umabad abdia lahua d baiina ulahua nišmat baiha nišmat šiltan hiia tirat pralia manda nišmat šiltan hiia ulatra d hiia mizlai parana uazilna alma d tiniana mTit abdia d tiniana d hinun alanpai napqia asgu nišbia gabra d nišailḥ d mna ata habran mna hua mitiak lhaka `lia nu azlit mn tibil atina umn baita d šibiahia bnu nišmat šiltan hiia ulatra d hiia mizlai tirat pralia manda nišmat šiltan hiia latra d hiia mizlai hadinu bit hiia halka alia nu azlit hin azlit binataihun `bad umabad abdia lahua d baiina ulahua nišmat d baiha nišmat šiltan hiia tirat pralia manda nišmat šiltan hiia ulatra d hiia mizlai parana uazilna alma ltlitaiia mTit abdia d tlitaiia hinun alanpai napqia asgu nišbia gabra d nišailia mna ata habran mna hua mitiak halka `lia nu azlit mn tibil atina mn baita d šibiahia bnu nišmat šiltan hiia ulatra d hiia mizlai hadinu bit hiia halka alia nu azlit hin azlit binataihun šumḥ d muta dakria lahua d baiina ulahua nišmat d baiha nišmat šiltan hiia utirat pralḥ manda d nišmat šiltan hiia ulatra d hiia mizlai parana uazilna alma larbiaiia mTit abdia d arbiaiia hinun alanpai napqia asgu nišbia gabra d nitia nihiulan Sauta asgu nišbia gabra unišailḥ d mna ata gabra mna hua mitiak halka alia nu azlit mn tibil atina mn baita d šibiahia bnu nišmat šiltan hiia ulatra d hiia mizlai hadinu bit hiia halka `lia nu azlit hin azlit binataihun ušumia d muta dakria pakria umnangria lahua d baiina ulahua nišmat d baiha nišmat d šiltan hiia tirat pralia manda nišmat šiltan hiia ulatra d hiia mizlai parana uazilna alma d hamšaiia mTit abdh d hamšaiia hinun alanpai napqia asgu nišbia gabra nitia nihiulak Sauta asgu nišbia gabra unišailḥ d mna hua habran mna halka alia nu azlit mn tibil atina mn baita d šibiahia bnu nišmat šiltan hiia ulatra d hiia mizlai hadinu bit hiia halka alia nu azlit hin binataihun `bad umabad abdia hin alit binataihun šumḥ d muta dakria lahua d baiina ulahua nišmat d baiha nišmat šiltan hiia utirat pralia manda nišmat d baiha nišmat šiltan hiia ulatra d hiia mizlai parana uazilna alma lšitaiia mTit abdh d šitaiia d hinun alanpai napqia asgu nišbia gabra nišailia d mna ata habran mna mitiak lhaka alia nu azlit mn tibil atina mn baita d šibiahia bnu mn tibil atina latra d hiia mizlai hin alit binataihun qumḥ d muta dakria lahua d baiina ulahua nišmat d baiha nišmat šiltan hiia tirat pralḥ manda nišmat šiltan hiia ulatra d hiia mizlai parana uazilna alma lšubaia mTit abdia d šubaia hinun alanpai napqia asgu nišbia gabra nitia unihuilak Sauta asgu nišbia gabra nišailḥ d mna ata habran mn mitiak halka `lia nu azlit mn tibil atina mn baita d šibiahia bnu nišmat d šiltan hiia ulatra d hiia mizlai hin alit binataihun pakria umnangria hin azlit binataihun šumḥ d muta dakria lahua d baiina ulahua nišmat d baiha nišmat šiltan hiia utirat pralia manda nišmat šiltan hiia ulatra d hiia mizlai parana uazilna alma lbit hiia mTit maTuiat bit hiia uhiia alanpai napqia anpiš albšun ziuā uaitun nhura kasiun hišbun bhušbanun ha napqun Tabia binatun binia šragia d nhura nidaluṇ šragak uninihruṇ `triStun u`tqaiamtun bminilat šrara d atalkun minilat šrara ata lTabia minilat kšiTā lmhaimnia uhiia zakin sa

. `dalma hazin qaimit šbila d manu naTria šbila naTirna dalia d iatir balma

mna ata umna dmuth d gabra d šbila naTrit lbuših lbuš ziua nhura mramai lkadpai
abar almia uata ubza rqiha u`tiglia muzania triS qudamh taqil `ubadia uagria
taqil taqil umšauia ruha mn nišimta taqil taqilh ušalim hansiq bhia asmakuia
taqil ulašalim šamar šibqia bhazin alma anin d mšabinun maran haTaian uhauban
d šbuqlan uhiia akin sa

. l bab `siria hilpit ultasniqh d hazin alma d qalaihun d nišmata šamana mn bit `siria
bakian uamria uailan d alma nikalinan unkaltinan alahuta d bh argban
uminunan asarinan `l hazin dukta man d nizar unimarhun lbnan d šbaqnin
bgauh d alma d lanibdu mn `ubadan sainia d lanistakrun lhazin dukta man nizar
lahlipunh lasia rba ulahlipunh l pasimka rba d kulh nhur lahlipunh lmanda d hiia
d liqum lahuilkun bahid `da bahid `da lšalmania mn atra d hšuk latar nhur zkit manda
d hiia uzkit uzakit rahmak uhiia zakin sa

. ia Sipria hurbia d alqandilaihun iatbia mahu aklitun Sipria mn hurbia umahu
šatitun mn qandilia kd hauia zibna d napqitun mn pagraikun mahu lihuia
zuadaikun umahu lihuia zuadia d `uhra ladaha ulakaspā lanihuia zuadia d `uhra
largba ulaminuna lanihuia zuadia d `uhra `tkanap kulhun amamia ulbaba d br hiia `tun
`marlan br hiia bzibna d hauia mapiqta mahu l`huia zauadan umahu l`huia zuadia
d `uhran `daikun natna zidqa ulibaikun niqum bhaimanut hanath hu zuadaikun
d hauilkun zuadia d `uhra mištaiin uhiia zakin uzakia gabra d asgia lka
sa

. `lh d biniana lriša d kulh qumta lriša d qumta kulh qaiim udariš rbia qaiim
urbia dariš umamnia gaunh d hazin alma ia alma sakla alma blila umbalala ia alma
sakla ruhSanak lmahu nihuia lmahu nihuia ruhSanak haimanutak lman tihuia `šqul
`isbia minak `uSbh d nhura d `hablak `šqul `iasbia minak alma d napil ulaniquim ia
alma hiua bala d mn smal liamin la`da šibiahia tauria d piTra d qaimia bšuaqia
umizdabnia hašta laplihunak hašta šintak tirandidak timlibun bgurmaizak utišqup
ltarbaSia hadiak utimar uai `lai mahu d abdit umahu d abadiba bnpiš bgauh d hazin
alma d qrun `l `uhra d hiia usiTar huit mn kudka uhiia zakin sa

. kilai šlim unapiqna sibra d mn `ria sbar mn `ria sibrit udarit bgauh d alma šuta
šimit gabra d `tpaqad `lai ašman šuta d rbia uaprišan minh umn alma `hablia tušbihta
unakrian minh umn alma `tnakrit minaihun umn bišia umn haTia šabhit btušbihta
ušabhit ldaura taqna šabhit latra sagia ul`utria d saka litlun kilai šlim
unipqit ušuba b`uhra qaimilia lgiTia `lai abulia d lanibTunak b`uhra amria bišia
d lagzar aluatan nišibqia ainai lmrurn šiqlit nišmat lbit hiia skit hiia anun
mn piria ziua anan mn mrahqia Sbu hiia rbia šadruia lbar hiia `lai `lai
šadruia l gabra d qalh ašman pta tiria uata bza rqiha u`tiglia pahta tiria
uata upta `lai abula ušuba adia mn `uhrai albšan mn ziua umn nhura kasian `hablia
klil ziua ubarat dmut mn almia qaimia šibiahia dandumia mdandmia uamria kd
hua binataian ukd dar b`ubadia `dan kd dar binataian šutan dilan lašama hašta
d šilmh kilh barit dmut mn almia `malil u`marhun lbišia d agzar lnapšaihun
mahu mdandimitun šuba kd ana lahuir mn dilkun la`bdi mn `ubadaikun
ulatminiit mn dilkun šumaikun umamlalkun lamamlalit lakaldaia huit ulakaSuma
ulanbiha mamlil bruha šuth d ab šimit gabra d `tpaqad `lai d ašman šuta d rbia upiršit
minh umn alma šadarlh klil ziua šuba hba uana zkit bzua d ab azilna gabra
d `tpaqad `lai parana uazilna alma d muzania mTit mTit d muzania tiqil `ubadia
uagria umšauia ruha mn nišimta tirSan bmuzania had mana had šralia knap hiia
ldmu hiia smakun hiia smak lhiia uhiia aška dilun umšabin hiia uzakia manda
d hiia urahmia šumh sa

. qala d hda nišimta šamana d mn dur bišia umn gauh d hšuka mpahšia uamria uailia
d lašibqan dahbai ukaspai d `bad `ubadia lqdamtai dahbai rman bguham ukaspai šikan
b`umqia d hšuka hilai umarganai habrai mahu bišuta asbria argbai uminunai habrai
uauadan zmarai urgagai uqulalai ušušlata hun qulalia hun šušlata `sira dmuth
lkul dmu uamra d aSTian bišia urihmit Subian almia `l Subian almia rihmit

uliban hašban lkul d biš libai hašban bišuta ulišanai bkadba atqlan amarlia
manda d hiia ašganda d kulhun pasimkia ia nišimta kd qruilik ulanit hašta
d qarit man niniik dahba ukaspa d rhamt mitkarkit bgauaita d 'šiul hilmia
uzipa d rhimt naplit bdudia kd rahta `u hin kd šalmia haTaiik uhaubik kulhun
mitgimria usalqatbh bmasiqta d šalmania bgauh salqia hin lašalmia haTaiik
uhaubik kulhun lamgamria anat nišimta timitai muta tiniana uainik nhura lahazia
ana u`utria ahai nisaq nihizia latar nhur brikia hiia rbia ubrik šumaihun batar
nhur sa

. qala d hda nišimta šamana d mn pagra d lupata napqa mn pagra napqa d lupata umn gauh
d hazin alma uamria arTil lalma atalh uriqin minh apqun riqin apqun minh kd Sipra
d mindam lalua mihidra hazia nišimta uamralh lhikla d minh nipqat mahu `bidlak
pagrai mahu `bidlak bhazin alma mahu `bidlak špur pagria šapira d aklalak rima
'šiul mahu `bidlak kitun uardia d msadqilak btibil Sipria `u `uSTla d ziua unhura
huit d labišnak pagrai minai lbit hiia sliqt `u himiana d ziua unhura huit
d `sirnak bhalSai pagrai minai lbit hiia sliqt `u TarTabuna d ziua unhura huit
mkasianak pagrai minai lbit hiia sliqt `u klila d ziua unhura huit d triSit
brišai minai lbit hiia sliqt `u gauaza d ziua unhura huit pagrai lgiTnak b`dai
minai lbit hiia sliqt `u msania d ziua unhura huit d raminalak bligrai pagrai minai
lbit hiia sliqt mahu `bidlak pagrai d mn kita d Tina `tigbilt mn kita d Tina ušuba
utrisar hulak ridpa `l d qaima nišimta uamralh lhikla d minh nipqit u`l d qaima
uamralh pra šliha d hiia umiTiua maTun šliha d hiia paruanqa d šuda lanasib amarlh
atai atai marganita d mn hiia `tniSbat atai atai mbasmanita d basimth lpagra
zapra atai atai manharanita d anharth lbaita haška atai atai pt haria bdur
bišia amta qruk atai paS `uSTlik lbuš utruS klilik rauza saq dar bškinath
binia `utria kd iatbia brikia hiia rbia ubrik šumaihun d hiia batar nhur
sa

. had mn bnia kušTa bdur haškia bakia brat gubria ana d zadiqia ubrataiun
d gubria mhaimnia brat ana zadiqia bdur haškia man rman salik d mlia lhama
d anat aklaith mn kaph danik d ml'ia šakra anat aklaith mn Sahh uSamartik
d ml'ia miša anat aklaith mn habria šidik d mlia mania anat aklaith mn labših
arsak mšauiaata anat aklaith mn šakbh dirka d drik u`tia anat aklaith mn `tia
akuat d `tiklit `tiklai bgauh d hazin alma `lau `dit d `mit `lau `dit d `tikšal
salai d mlia lhama laklaith mn kapnh danai d mlia šakra laklaith mn Sahh
uSmarth d ml'ia miša laklaith mn harbh šidai d ml'ia mania laklaith mn labših
arsai d mšauiaata laklaith mn šakbh dirka d drik laklaith mn `tia akuat d `kulit
`tiklit bgauh d hazin alma šlamlak `lak Taba d batra gzira lašabqit Taba hTit uiahTit
haTaiiai uhaubai l'šbuqlia ab rma lhama u`m zidqa iahbat abuk d rma lhama `lh
dilia u`mik d iahbat zidqa lnišimta šabiq haTaiia uhaubia nišbiqlun
lnišmatun mn hailaihun d zadiqia umn kušTaihun d mhaimnia
sa

. ziua ana br ziua ziua ana br rurbia ziua ana br rbia man atian btibil šdan man
šdan btibil bbaita d šaqaria bnu ašdan b'šata `kilta d haška ulanahra mihšak haška
ulaminihra u`uSba d nhura litbh ana `lauaihun manharna uhinun mihšak haškia ziua ana
qadmaia bit šuba man ašrian man ašrian bit šuba umn man šra `lai man rman
b`uSTuna d gidia umraria u`lqia akSat ukratalia d darit bgauh d alma akSat
ukratalia balbuš lbuš bšlaha šlaha u`m l'tia gabra rama d hu bqalh ašman ašman
bqalh niha hananan uqaiman galil uhauian razia minihria uqaimia `l d qaiim
umitapraš maTia gabra adiaurh maTia adiaurh rama d hu aulh bhda ziua rba šla lbuš
pagria d gidia umraria u`lqia parqia Sbutun ušgh mn hauqun albšia lbuš rbia uadia
lgabra d qaria adia lškinata d hu bgauaihun dar adia lbnia šlama gubria d kušTa
pašTia asqia hauih hauraran d nišmata bgauh mištalma nišmata mištalambh hu
hauilun sahda npaS albšan albušata d `šata haita uasiq tirSh bit tušlima
mištaiin hiia zakin uzakia gabra d asgia lka sa

. lman ulman ulman šamšit nišma bgauh d alma gubria d šamištinun lahun minh mn alma minak šamšia napšia minak nhura nahra šragia d nhura hinun d manihria bgauh d alma kd drašt ušamišt lqadmaia lhiia d hun mn laqadmia hun šamišt ltiniania ulhiia d mn hiia hun šamišt lltitaiia lkaraSTiania basim šumh asgit luat arbaia d tam huat tam hua hasir ubSir hasir ubSir hauia uhauia razia urimzia hauia hauin puria d alma limalak bkanph d mana mkarkit ana mihizia d hzit uasgit uhašiTit šibqit kulhun šibqit uasgit abatar manda d hiia l'iaprišinkun mn biša lTaba umn bišuta uaqta dilia d hazin alma mištaiin hiia zakin uzakia gabra d asgia lka sa

. lbaba d bit `bdunia kursia `l luana `rmia kursia `rmia l`luana urmia mana qadamta qarilun lganabia atun lmana pil atun pil lmana atun apriš napšaikun atun napšaikun apriš lmahu d abadtun balma qarilun lgaTlia giTla atun lmana pil atun pil lmana atun apriš napšaikun atun napšaikun apriš lmahu d abadtun balma lbaba d bit `ubdunia kursuia l`luana rmia kursia rmia l`luana rmia lmana qadamta qarilun lgaiaia atun lmana pil atun pil lmana atun apriš napšaikun atun napšaikun apriš lmahu d abadtun balma qarilun lramzia rimza atun lmana pil atun pil lmana atun apriš napšaikun atun napšaikun apriš lmahu d abadtun balma lbaba d bit `bdunia kursia l`luana triS kursia triS l`luana urmia mana qadamta qarilun lharašia atun lmana pil atun pil lmana atun apriš napšaikun atun napšaikun apriš lmahu d abadtun balma Taba hTin hTainin kul d hTin nišbuqlan nišbuqlan haTian uhauban d askilnin bgauh d alma kaluza d hiia qaria `udna d bhiria šuma `it d šuma hiia u`it d `tkalil uškib mištaiin hiia zakin uzakia gabra d asgia `lka sa

. halin drašia d nišimta d ansit ana ania udania umianqa zuTa d ahai ganzibria umnašiq msania d ligraihun d naSuraiia uaqapra d atutia ligraihun d nasakia abda d kulh haTaiia ana mhatam zihrun br rbai adam br rbai mhatam iuhana br rbai iahia sam br rbai sam bihram br rbai iahia bihram br rbai iahia bihram br rbai adam br rbai iahia adam br rbai šitil br rbai ram br rbai zakia br rbai iahia br rbai zakia br abuhun d ganzibria rbai mhatam br rbai sam laqab manduia kinianh `kuma d ansit lhad šalmantia umhaimna iahbat zidqa malia uansit `la hazin sidra d hauila dakir šumia btibil uhatam balmia rurbia `laiia d nhura d h` biniia brata d dihla br maTlum br kTaiir br (ayin)idan br baiu(T) laqab prišia ukinianh `kuma d nsit d `dia d rbai mhatam iuhana br rbai iahia sam d hu (š)aduia kdib mn kdaba d `da d rbai iahia bihram br rbai adam iuhana br rbai sam br bihram br sa(ayin)dan laqab kamisia ukinianh riš draz d hu ansa lhad šalmanth umhaimna iahbat zidqa malia uansit `la hazin sidra d hauila dakir šumia btibil uhatam balmia rurbia `laiia d nhura d h` rdapa brath d (š)adir br ša(ayin)puria ulaqab bari(š)ia d ansala mn sidra d sita brath d sahal br suaiid br mkariš br bakat br sarar br iahia br adam laqab kamisia ukinianh riš d raz d ansalh rbaian rama uiaqira ganzibra taqna ubhira d hiia bihruia hulh adiaura rbai adam iuhana br sam br bihram br sa(ayin)dan lqab kamisia ukiniana riš draz d hu ansalh mn trin sidria had sidra d paraš br lum br guam dhais uhurina sidra d nura brata d (ayin)abas br sa(ayin)ad br sibtia kinianh bangania d ansa rbai mhatam iuhana br (ayin)arab br bihram br qamus br hadat kinianh sabur d ansalh mn sidra d rba urama uiaqira ganzibra taqna ubhira nasaka d ginza rba rama bnaSiruta d hu rbai sam iuhana br rbai iahia adam br bihram zihrun br adam iuhana br sam kinianh (ayin)asikir ansa lnapšia mn sidra d hu ansa lnapšia d ansa mn sidra had šalmantia d haua simat brath d adam br garib br manSur kinianh tum d ansalh mn sidra d ganzibra taqna umaura šualania šumh d hu rbai iahia iuhana br rbai ram br rbai baktiar br rbai adam mhatam kinianh ku(h)ailh d ansa mn sidra d ab dilia rbai ram br iahia baktiar br rbai adam mhatam kinianh ku(h)ailh d ansa lhad šalmana adam iuhana br naSrldin kinianh iahiauia d ansalh mn trin sidrh had minaihun rba uiaqira

rbai bihram br iahia br adam zakia kinianh ku(h)ailh sidra hurina d rba urama
 uiaqira ganzibra taqna mhatam br abuhun d ganzibria rbai sam adam br zakia
 br iahia lqab manduia ukinianh `kuma d ansalh rbai sam iuhana br rbai sam
 adam br br iahia kinianh `kuma mn sidra d iahia baian br sam bihram kinianh
 diqnana d ansalh iahia br hibil br anuš adam br zakia bulbul br bihram (ayin)aziz
 mn sidra d rbai adam iuhana br anuš hiia šu(ayin)ailia mn bnia (ayin)asikir d ansalh
 rbai saruan bulbul br adam baian br šadin zarzuia d ansalh mn sidra d ansalh
 ahh qašiša rbai iuhana br adam baian br šadan zarzuia umn sidra d hu ansa
 lnapšia mn sidra d mhatam br bihran mšarah d ansa rbai iuhana d ansalh rbai
 baian br adam šuprtaiia mn sidra lnapšia d ansa mn sidra d rbai baian br adam
 d ansalh bihran br iuhana zakia br bus(ayin)id mn sidra d bihdad br iuhana zakia
 br sam ma(ayin)uan d ansalh mn sidra d hibil br bihram šitil ansa mn sidra
 d baktiar bul(ayin)iz br šitlia gadana d ansalh hibil br šitlia ansalh rbai bihram
 hibil br mhamam hibil iuhana mn sidra d hibil iuhana zakia mn sidra d ansalh
 iahia baktiar br brik iauar d ansalh adam br iahia kapai uadam d ansalh baian
 šaiar br zihrun mn sidra d br gadana br hiia ansalh šaiar usam ziua br baian
 hibil mn sidra d zakia br hibil uzakia br hibil ansalh zihrun br ram ziua mn
 sidra d nSab mn maškna br iuhana br nSab br maškna br iuhana d ansalh mn
 baian hibil šadan ubanan bihram bnia brik iauar baian uahh ansalun `qaiam
 br zindana mn šapth d miriai pt simat miriai ansalh sam br sam br zakia mn
 šapth d napših d ansa mn šapth d ruzba brhaua d hat bginza d sam zakia uruzba
 d ansalh ram ziua br bihram mn šapth d brik manda šitil br zasku hiia brik
 manda mn anuš šabur br šiglai mn šapth d nSab br maškna br brhiia mn šapth
 d Taiba br zazai kdaba hatiqa d huat bnaSiruta d nSab br mškna mn iuzaTaq br
 sasai tum aba šlama br qadmaia d hualun ruaha d hiia lsabria d mn banan priš
 hiia hdun lalam almia uhiia zakin lkulhun `ubadia uzakia manda d hiia
 udiaura sa tum 'stadrat usilqat lriš hazin sidra d mara
 d rabuta lrahmut hiia ulrahmut manda d hiia ulšuma d mana rba kabira ulruhSana
 d hiia qadmaia ulšumaihun d hibil ušitil uanuš mšaba šumaihun batra sagia
 bit tušlima 'stadrat biuma d tlata habšaba usrin biahra d aual paiiz d hu
 mašriuan arquba bšita d talata habšaba . d h' tura . lšnat tlatma ušitasar
 abatar alpa d qabiliun arbaia bbaita d napšai bmata d markaz naSriia bmia
 d praš ziua sa